

卷九十



書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，
 唐 張守節 正義
 卷 卷九十
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學 東洋文化研究所](#)
[使用上的注意事項](#)

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

儀氏風姓代燧人氏繼天而王母曰

魏豹彭越列傳第三十

史記九十

魏豹者故魏諸公子也其兄魏咎故魏時封

為寧陵君

索隱曰索彭越傳云魏豹魏王咎從弟真魏後也晉灼云寧陵梁國

縣也即今寧陵是

秦滅魏遷咎為家人陳勝之起王

也

正義曰王咎往從之陳王使魏人周市徇

魏地魏地已下欲相與立周市為魏王周市

曰天下昏亂忠臣乃見

索隱曰老子曰國家昏亂有忠臣此取以

為說也

今天下共畔秦其義必立魏王後乃可



齊趙使車各三十乘立周市為魏王。市辭不受。迎魏咎於陳。五反。陳王乃遣立咎為魏王。

徐廣曰元年十二月也章邯已破陳王。乃進兵擊魏王。

於臨濟。正義曰故越在淄州高苑縣北二里本漢縣魏王乃使周

市出請救於齊楚。齊楚遣項它田巴將兵隨

市救魏。索隱曰案項它楚將田巴齊將也○正義它徒多反。章邯遂擊

破殺周市等軍。圍臨濟。咎為其民約降。約定

咎自燒殺。魏豹亡走楚。徐廣曰二年六月楚懷王予

魏豹數千人。復徇魏地。項羽已破秦。降章邯。

豹下魏二十餘城。立豹為魏王。豹引精兵從

項羽入關。漢元年。項羽封諸侯。欲有梁地。乃

徙魏王豹於河東。都平陽。正義曰今晉州為西魏王。

漢王還定三秦。渡臨晉。正義曰臨晉在朝邑縣界魏王

豹以國屬焉。遂從擊楚於彭城。漢敗。還。至滎

陽。豹請歸視親病。至國。即絕河津。畔漢。漢王

聞魏豹反。方東憂楚。未及擊。謂酈生曰。緩頰

往說魏豹能下之吾以萬戶封若酈生說豹

豹謝曰人生一世間如白駒過隙耳索隱曰

無異騏驥之馳過隙則謂馬也小顏云白駒謂日影也隙壁隙也以言速疾若日影過壁

隙也今漢王慢而侮人罵詈諸侯群臣如罵奴

耳非有上下禮節也吾不忍復見也於是漢

王遣韓信擊虜豹於河東晉廣日二傳詣榮

陽以豹國為郡高祖本紀曰置三漢王令豹

守滎陽楚圍之急周苛遂殺魏豹

彭越者昌邑人也正義曰漢武更山陽為昌

曹州城武縣東北三十三里字仲常漁鉅野澤中為群盜

陳勝項梁之起少年或謂越曰諸豪桀相立

畔秦仲可以來亦效之彭越曰兩龍方鬪且

待之居歲餘澤間少年相聚百餘人往從彭

越曰請仲為長越謝曰臣不願與諸君少年

彊請乃許與期旦日日出會後期者斬索隱

日謂明日之日旦日日出十餘人後後者至日

中於是越謝曰臣老諸君彊以為長今期而
多後不可盡誅誅最後者一人令校長斬之
皆笑曰何至是請後不敢於是越乃引一人
斬之設壇祭乃令徒屬徒屬皆大驚畏越莫
敢仰視乃行略地收諸侯散卒得千餘人沛
公之從碭北正義曰音唐即擊昌邑彭越助
之昌邑未下沛公引兵西彭越亦將其眾居
鉅野中收魏散卒項籍入關王諸侯還歸彭

越眾萬餘人毋所屬漢元年秋齊王田榮畔

項王漢乃使人賜彭越將軍印使下濟陰以

擊楚正義曰蕭縣令楚將兵擊

越越大破楚軍漢王二年春與魏王豹及諸

侯東擊楚彭越將其兵三萬餘人歸漢於外

黃漢王曰彭將軍收魏地得十餘城欲急立

魏後今西魏王豹亦魏王咎從弟也真魏後

乃拜彭越為魏相國擅將其兵略定梁地索隱

日擅猶漢王之敗彭城解而西也彭越皆復

亡其所下城獨將其兵北居河上正義曰滑州河上

漢王三年彭越常往來為漢游兵擊楚絕其

後糧於梁地漢四年冬項王與漢王相距滎

陽彭越攻下睢陽外黃十七城正義曰睢陽宋州宋城也

外黃在汴州項王聞之乃使曹咎守城臯正義曰

汜水自東收彭越所下城邑皆復為楚

正義曰為越將其兵北走穀城正義曰在齊州東阿縣東

二十六里是漢五年秋項王之南走陽夏正義曰夏古雅

反陳州太康縣也彭越復下昌邑旁二十餘城得穀

十餘萬斛以給漢王食漢王敗使使召彭越

并力擊楚越曰魏地初定尚畏楚未可去漢

王追楚為項籍所敗固陵正義曰固陵名在陳州苑丘縣西北

三十里乃謂留侯曰諸侯兵不從為之奈何留

侯曰齊王信之立非君王之意信亦不自堅

彭越本定梁地功多始君王以魏豹故拜彭

越為魏相國今豹死母後且越亦欲王而君

王不蚤定與此兩國約即勝楚睢陽以北至

穀城正義曰從宋州已北至鄆州皆以王彭

相國從陳以東傳音海正義曰從陳潁州北

地東至海并淮南淮陰之邑盡與齊王信齊

王信家在楚此其意欲復得故邑君王能出

捐此地許二人二人今可致即不能事未可

知也於是漢王乃發使使彭越如留侯策使

者至彭越乃悉引兵會垓下正義曰在亳州也遂破

楚五年項籍已死春立彭越為梁王都定陶

正義曰六年朝陳九年十月皆來朝長安十

年秋陳豨反代地高帝自往擊至邯鄲徵兵

梁王梁王稱病使將將兵詣邯鄲高帝怒使

人讓梁王梁王恐欲自往謝其將扈輒曰王

始不往見讓而往往則為禽矣不如遂發兵

反梁王不聽稱病梁王怒其太僕欲斬之太

僕亡走漢。告梁王與扈輒謀反。於是上使使
掩梁王。梁王不覺。捕梁王囚之。雒陽有司治
反形已具。張晏曰：扈輒勸越反，不聽而云反。形已具，有司非也。瓚曰：扈輒勸越
反而越不誅，輒請論如法。上赦以為庶人。傳
處蜀青衣。文穎曰：青衣縣名，在蜀。瓚曰：今漢嘉是也。○索隱曰：蘇林云：縣名，今
為臨邛。瓚說為是。西至鄭。索隱曰：地理志：鄭屬京兆。○正義曰：華州逢呂
后從長安來，欲之雒陽。道見彭王，彭王為呂
后泣涕，自言無罪。願處故昌邑。吕后許諾。與

俱東至雒陽。吕后白上曰：彭王壯士，今徙之
蜀，此自遺患。正義曰：遺唯季反。不如遂誅之。妾謹與
俱來。於是吕后乃令其舍人告彭越復謀反。
廷尉王恬闢奏請族之。上乃可。遂夷越宗族。
國除。

關

太史公曰：魏豹彭越，雖故賤，然已席卷千里。
正義曰：言魏地闊，如席卷舒。南面稱孤，喋血乘勝。日有
聞矣。徐廣曰：一作啜。韓傳亦有喋血語也。○索隱曰：音牒。喋猶踐也。然敵踐血而行。

孝文紀喋血京師是也懷畔逆之意及敗不死而虜囚
身被刑戮何哉中材已上且著其行况王者
乎彼無異故智略絕人獨患無身耳得攝尺
寸之柄其雲蒸龍變欲有所會其度以故幽
囚而不辭云

索隱述贊曰

魏咎兄弟 因時而王 豹後屬楚

其國遂亡 仲起昌邑 歸漢外黃

往來聲援 再續軍糧 徵兵不往

藟醢何傷

魏豹彭越列傳第三十

史記九十一